

南有堂詩集



南有堂詩集 卷之九

太原王穉登著



五言絕句

宗將軍戰場

月黑耕人語隔河見白馬知是精靈歸來向廟
下

蘭
園中鼠雀盡城裏日傳餐爲鬼已滅賊何時滅
貧

本謂江南樂佩刀居帳下漁陽飲飛士無一生

者

將軍空血戰中丞深閉門桐鄉城北路流水沒孤

屯

平望夜泊

魚鱗成石量桑葉論斤賣珍重絲網難家家月中

曉

山多楊梅爛青筐滿山市兒女當夕餐媽然口唇

茶

出都門馬上口號

長安東門別立馬青松下關吏來笑人前年棄繻

者

景州道上牧犢翁

黃牛三五犢青杏一百樹老翁伏臘足景州城北

住

菁山道中

煙渚八百桑沙田一半林人携鹿郡來舟載雲氣

出

霜寒木葉紅水淺溪痕綠黃髮尸鄉翁驅鷄下

屋

耕雲藝竹深條桑賣絲賤四時長食筍千家半

冷泉亭

暮瀑浮花憑春流飲鹿潭潺湲一片雨終日在

友芳園雜咏

總芳逕

幽壑煙光滿千花共一蹊山公容易醉騎馬莫教
迷

湘雲逕

叢篁一徑碧哺殼午鳩啼只尺黃陵廟湘江春日

西

清脩閣

小閣頰清渠匡牀枕流臥朝來草紋濕知有白雲
過

綠水

綠波浮面舊明鏡出湘娥翠袖西風起滾滾夕霞
多

茗上思歸

閒簾望明月下簾秉燭坐燭下數歸期漸漸中
過

圓篋簡行袈裟薄何所有澤國天早寒綿衣帶未
否

聞鴈

日落空聞鴈江寒未得魚鵲聲何太喜莫是有家
書

途中見妓人墮水

長袖隨秋風吹入秋江水一束紅芙蓉浮沉綠波
裏
一川脂粉膩兩岬綺羅香鐵網珊瑚樹淋漓出水
傍

銀漢風波惡天孫逐水流從今怨鴉鵲不敢會牽
牛

題畫

山水竅深處櫂歌聲欸乃日暮衆降陰扁舟載着
霽

雜咏

柎葉裁衣着於菟當馬騎云是秦人女不復詭秦
時

土風誇綠筍月令紀王瓜一入伊蒲饌長懷惠遠
家

野田禾黍登鳥雀有餘食不畏金彈丸翔翾上

棘

魚扈

澤竭半清流魚勞盡赤尾應知跋扈者不在綠

裏

茅山

曾宿華陽洞空中聞玉笙茅君騎鶴過香霧濕霓

旌

顧氏山園雜咏

懷陸館

石澗何泠泠煌寒秋竹青昔賢日以遠花下簡茶

經

盧仙井

古井丹砂氣神仙藏大葉朝飲松下人夕飲松上

鶴

曲引

丹丘隔窳篠青冥日高枕倦士請迴車白雲不相

引

澗影磯

青山落澗底片片芙蓉影水寒不可拾露下衣

冷

清音亭

潺湲在亭下翠微在亭上澄懷少文室衆山皆欲

響

蒲灣

鳴瀨瀉春流一流還一曲飄飄綠髮翁朝朝採昌

歌

人日夜夢游荆溪遇黃髮魁然自云三百歲

將一妹呼小妹粧服奇恠出鞞囊中古箋

乞余八分題曰廣貸又各贈一絕比曉不

失一字

神仙太玩世持券何所貸一顆櫻桃丹黃金千不

賣

相携好小妹或是野狐精試焚華表木白日照真

形

朱在明園居雜詠

江草蒲門綠采之不盈筐欲以遺所思所思隔滿

湘

婆娑松樹間脫巾還散髮愛聽謾謾風江濤互相

答

房櫳隔脩竹盈盈似河漢美人敲竹歌霜寒玉斂
斷

乍登江上臺遠望雲中樹征帆不宿停歸鴻沒何
處

在林恒苦飢乘軒亦靡樂春風滿院花步上青苔
咏

宰官選住地居士未隣家偶然談半偈衣上下天
花

荆溪問月不見燕

春社幾回過舊巢泥後
最蕭條水上樓河橋柳枝

綠

閨月銅官山藤蕉藹春盡不聞喃呢聲杏花似紅

豆

曉渡鸞腹湖

雁飛木葉紅魚勞湖水碧曉渡晨光微波聲喧枕

席

花燭詩

銀屏玳瑁進金屋貯婢娟贈婦詩成未夫君顧度
先

一雙牛女星不在銀河上走問嚴君平竊入芙蓉

帳

朝作蕪城雲暮作蕪城雨笑殺楚襄王空勞夢神

女

蠟燭無二心花枝有並蒂燭在花下燄花在燭邊

睡

綠蘿館爲江進之題

仙源隔塵境清流映高館主人出東山白雲長自

滿

猿不須曉驚鶴不須夜怨流水與桃花依然在潘

縣

昔日避秦人今朝歸漢客軒冕亦逍遙誰云與世

隔

茂宰稱仙吏郎官映列星五絃橫膝上彈罷楚峰

青

瀟湘夜雨

維舟湘水暮煙樹望中迷估客生歸思鷓鴣深夜

啼

洞庭秋月

湖光如曳練明月落波底欲訪洞庭君弄珠鞭

女

煙寺晚鐘

煙村少行客日黑聞蒼兕天畔一聲鐘
煙中始知寺

漁村夕照

湖濱數十家繚繞村墟外挂網夕陽中
將舩載魚賣

山市晴嵐

山郭映朝暉山人趨朝市日出嵐未收
衣裳濕如雨

平沙落雁

點點投沙磧依依戀稻梁如何天只尺
不肯過衡陽

遠浦歸帆

極日樹微茫片帆雲阻隔紅袖阿誰家
樓頭望歸客

江天暮雪

寒江雲漠漠江上雪初飛漁人不下釣
載雪滿舩歸

托周汝賢買小艇子

寄君青銅錢爲買烏榜舩繫我南池上
捕魚兼買

蓮

申少師適適園雜詠

高岡旣峨峨長松亦亭亭白髮山中相松風臥石聽

城中十畝地半種青琅玕不是平津客誰來徑裏看

魚戲見花動魚驚聞葉響瀉下清香露何異仙人掌

古來稱大隱何曾遠市朝青青滿園桂不待小山招

春風二月時紅萼紛滿樹一半出牆來朱扉關不

似實旣不論年花亦不計樹姬公遜頌膚不言乃相

拒霜臨清池秋深色不改何須涉江流沍露朝可

采謝傅還東山長日無飽事看花與聽鳥一一明主

賜憑欄獨踞望乾坤濟無極却笑陳元龍徒誇一尺

不雨夏常寒非煙朝更綠何可一日無此若能
俗

餘不道中

小舸如鯽魚村童似蝴蝶誰家買鹽女盡裹枯荷
葉

欣欣園雜咏

百尺長松樹蒼然當夏寒龍鱗忘歲月不肖受秦
官
南窻春意動參橫月初落天寒衆山紫佳人翠袖
薄

密樹影層層濃陰覆四鄰蕭然北窻下自謂羲皇
人

潘朗叔毘山園雜咏

丹英何灼灼開滿階下樹把書坐前楹薰風颯然
至
甘蕉舒夜雨新桐浥晨露如入青霞宮長廊數百
步

郭侯三萬軸一半是農書軒前春雨過帶經時自
鋤

崇臺栖木末下俯紅塵走馬首秋雲飛渾如

首
憑欄一眺望極目總山川
仙人好樓居黃鶴下紫
煙

斗
藝菊繞甘泉採之釀春酒
酌以奉二親寒香浮大

人
廬山與竺國可望不可親
辟疆園裏看何須問主

羨
茶生明月峽一谷移栽徧
七椀滌詩腸不必論陽

六言絕句

題吳幼元獨倚樓

綺戶無人不開曲欄獨自
頻來朱簾捲盡暮雨垂
笛吹落江梅

山光只隔女牆花影不離
胡牀煙月聊堪嘯傲乾
坤莫問行藏

河漢聽前幾尺人家樹杪
一層不須仲宣重賦但
許元龍獨登

人行南陌難窺花落東墻
不知日暮誰家紅樓天
寒何處青旗

車蓋浮雲北去蛾眉片月
西流黑貂貂季子長

鶴仙人小樓

優人稱余先生戲占六言似陳使君

道如太丘最廣客似臨邛不輕却笑梨園子弟
呼天竺先生

嘶馬典午東渡處

古渡常嘶五馬長江曾化一龍晉代衣冠寂寂空
餘隔水羣峰

松壇新成偶作

學劍學書未就爲儒爲累相同千年無結襪子五
月有被裘翁

市上豈無丘壑城中自有雲煙家住蓮花塔下僧
來松樹壇前

老去看學士傳人來指少微星白石壇邊禮斗鳥
皮几上翻經

田家

田家處處有秋東郊南陌西疇黃葉空林彈雀清
溪見底飲牛

茅屋門前數峰澄潭霜後芙蓉濁醪留客杯飲
粟無人水春

蔗田

節如紫笋含粉葉似青蘆長芽日晚移丹買
來晚境偏嘉

清涼山

江樹半侵蘭若石城斜繞雁堂千古新亭涕淚西
風別子沾裳

將軍入韓擒虎天子嬌張麗華日落臙脂井上斷
腸秋草春花

南有堂詩卷之九終

南有堂詩集 卷之十

太原王穉登著

七言絕句

城南看菊

野客敲門烏角巾山家木榻坐情真我輩顛狂太
亡賴到處看花卽惱人

弘教寺

先朝行殿作禪宮黃屋青山本是空聞道一人
駐蹕山僧不敢住當中

內家金像出蓬萊千葉蓮花玉作臺試向白毫光
裏看聖人前世是如來

宣皇在日寺新成萬乘親來寺裏行芳草也知無
玉輦秋風秋雨滿階生

長安春雪

御柳黃絲未滿條宮花紅藥不勝嬌 至尊看雪

開溫室親賜昭儀壁上椒

一半秦聲半楚聲秦嬈小瑟楚娥箏鳳凰城裏家

家雪但是紅樓凍不成

勒寒桃李未成蹊啄雪流鶯已自啼 進得貂裘渾

不着聖人今日賜征西

花山

寒厓綴寺屋重重白日蕭然山翠濃瓦雀近人香

積飯山僧禮佛石堂鐘

竹塢村邊山鵲飛花山路上行人稀林間樵婦逢

相指射虎山人在翠微

贈四明沈秀才

曾將筆研事河汾回首青氈有白雲同是王通

下客荒城殘臘一逢君

過姚江寄侍兒

山縣行來不見花，扁舟一葉小如瓜。
柔腸已作迴結莫笑江流曲似蛇。

月下過中壩

月裏輕舟上，憑灘空中瀑布捲簾看。
無風自覺衣裳薄，始信瞿塘六月寒。

滄洲夜泊

綠樹孤村夜，邏嚴家家盡賣水。
精鹽亂髯海客休相睨，青雀舟中一孝廉。

臨清觀音閣下泊舟懷吳幼貞

紅粉樓中曲，斷腸青蓮寺。
裏容思鄉分明嘉靖年。

聞事曾與崔郎共乞漿

舟中逢北來客，聞龍使君新拜太守。
意疑未是蜀郡。

客裏聞君佩虎符，幾時五馬別三吳。
欲將書劍依嚴武，真作西川太守無。

下邳夜泊童子持盤罌，承雨床頭亂鳴戲。
示黃石城頭雨不乾，千聲瀉入水晶盤。
依稀聽聽花漏滴，破青山夢不完。

星變後聞虜酋黃台吉死

宵看東井出妖躔，曉閱軍書減左賢。
一片

脫地更煩充國策屯田

西虜新誅吐谷渾機槍將落氣將昏龜茲一節車

千兩詔賜斑超入玉門

穹廬服匿委邊墻諸部齊梟廣利玉斷臂舉于何

足慮軍中醜酒祭天狼

轅門伐鼓射旄頭十丈光芒應虜酋日碑昔爲胡

太子天驕老作漢諸侯

過德清

一半青山不出城暮雲寒靄市中生槐根古縣門
長閉蘭葉扁舟人倒行

雨宿朗公塔院

寒雲脩竹草堂前如意蕭條壁上懸惆悵已無大
設法空勞花雨下諸天

一山香骨塔中藏十畝青山蓋影室松裏禪燈雲
裏磬五夏寒雨夢支郎

張伯雨墓

一坏蟬蛻瘞寒雲天上神仙地上墳香骨化爲塵
海鶴華陽洞口侍茅君

古蕩

路曲橋斜古寺邊紅粧少婦慣乘船閉門防虎不

防盜蓄水種魚如種田

蠶市村中半綠陰溪流清淺亂山深租庸不乏

千繭伏臘惟消竹一林

竹葉香膠蓮葉舟人家映帶碧溪流冬培桑柘春
來采夜放牛羊曉不收

村嫗家家帛絮寒山僧日日笋供餐闔閭誤認爲
秦地鷄犬何曾識漢官

孤山看月

銀濤片片雪重重秋靄稠緼傍短筇數點寒山六
輪月青銅鏡裏綠芙蓉

樹裏秋濤浸佛燈晚鴉飛盡月初升江郎筆迹
猶在欲倚西風賦廣陵

楊州西望隔滄波花下樓臺月下歌好借清光騎
鶴去買將紅袖鬪嫦娥

江上浮嵐半有無輕煙澹蕩月模糊彭郎隔水
相喚別是人間一小姑

吳興謠

弁山楊梅種最奇色如火齊甘如飴樹下日暮三
百顆不信閩中有荔枝

野入憨猛勇無雙扼虎當熊氣未降家在霸王祠

外住函牛大鼎也能扛
顧渚茶名紫筍芽陽羨天池未足誇旗槍利較
絲厚採桑女兒都採茶
大頭冬笋勝如魚小頭夜航勝如車丹厓翠嶂
璃水吳興溪山畫不如

白露

白露泠泠暑未收籬花初碧上牽牛寒蟬翼與
顰臂消得西風一夜秋

重經孟河

村鼓難分戍鼓聲戰船俱作渡船橫但聞估客常

逢賊漫說將軍日練兵

寄陸山人元德

天從林屋別通門水到荆溪總一源兩處迢遙訪
仙蹟唐時張果漢劉根
茂陵消渴已多時新擁邯鄲綠髮姬從此無心論
封禪君今休寄赤烏碑

爲朱十六悼亡

紅杏雕梁翠栢牕美人顏色號無雙誰教化作
州鶴一片香魂夜渡江

蛟蝶羅衣不上身桃花紈扇已生塵也知妾命

來薄悔把蛾眉別婿人

燕京楊柳枝

霧織煙籠雨織齊
趁風高颺趁風低
秋霜不入金堤樹
留得宮鶯十月啼

笑人生長鳳城東
長袖雙雙映水紅
自把柳枝飛作曲
銀箏柱上笛聲中

試劍石

春山寂寂樹蒼蒼
片石中分古殿傍
千載霸圖青草裏
行人下馬說干將

送杜子庸遊苕溪

採桑人盡綠陰稀
漚苧池中半織衣
魚市蒲城舊忌過
家家迎客掃柴扉

勝墩

迴江疊渚陣如雲
水面縱橫鵲鶴羣
侯印自歸程不識
柴門高臥李將軍
春江簇簇聚餘腥
破浪如飛不敢當
奪得夷王下劍溪
邊蠶月自餘桑

風箏

搖曳東風一線輕
梨花庭院近清明
只疑秦女鸞去
吹過紅簫三兩聲

題故族勳季招

不見飛瓊托後因難逢弄玉是前身芳魂一片
雲去空使相如賦美人

題畫

亂水繁花遶曲堤韶光醉客客心迷青聰似爲春
風住蹀躞非關惜障泥

芳池菡萏鏡中開香氣無風也自來一局碁聲清
夏日機心猶恐白鷗猜

倒石懸崖壓半空秋江颯颯下川風扁舟疑向桃
源出載得飛花數點紅

山含翠黛樹含霞瀑布聲中數十家世上應無閒
淨者遊人只看隔溪花

虎丘寺聽朗上人講法華經

凍柳無絲浸玉鉞枯藤如蓋演金經吳王墓裏魚
腸劍化作黃龍夜夜聽

萬法雖同論不同講時非有罷非空拈將一半青
蓮偈書向雲林落葉中

頂笠腰褰四海來暮雲平覆法堂開金刀剖竹
鋒似盡說高僧有大才

春日偶成

綠漲柔添浸畫橋林塘花落晝無聊依稀夢
非是雨滴窻前一樹蕉

送陸子絲遊武林

紫黛流丹紫翠重飛來何處綠芙蓉君歸試向金
庭數莫是湖中失一峰

宋中丞海上凱歌

戮盡鯨鯢海霧開千舟不遣一舟回饒歌樂府教
誰撰露布文章好自裁

弓刀盡染魚龍氣介冑還栖荇藻文幕府論功誰
第一中丞前象水犀軍

頭銳卒半吳兒角觝魚龍慣水嬉主帥不言功
自有請來金印拜儒禪

陰符在篋善論兵銅柱勲名一戰成面縛夷王偷
目視手持黃鉞是書生

吳叔起移家

路曲橋斜柳臥堤移家更近女墻西柴門半掩
塘靜不種桃花客也迷

藏書恰可屋三間進無偏宜水一灣自有屏風
列岫任他疎堞礙寒山

荆溪采蘭曲

松下雲間與澗傍，崇朝采采未盈筐。
游踪踏雪空相逐，一入城中便不香。

春靄細縕露半濡，瓦盆香土數千株。
可憐空谷根難托，不爲當門也被鋤。

破雪穿苔一寸芽，枝挑藤束出山家。
幽香不上如鴉鬢，誤捲紅簾聽賣花。

送馬用昭北上

千金七首世無雙，風雨延津氣未降。
楊子江頭龍睥睨，莫將冰鏹掛船窗。

徒轡停車禮太勤，道傍然諾便傾心。
夷門監者共

門卒若箇相逢，意氣深

半篋衣裳半篋書，斜陽匹馬與單車。
田禾公子無人識，亭長虛煩爲掃除。

渤海雲帆委所傍，珠厓纔罷又宣房。
司徒二策居須上，半是黃河半朔方。

霜降日

新霜猶未下，柴扉井上梧。
桐葉漸稀，一點殘燈理
刀尺朝來小，婦問寒衣。

避客

客子相尋不知處，主人疑在山中住。
星斗縱橫白

石壇雲霞繚繞青松樹

戲東屠長卿

孤燭淋漓暮雨深寒沙寂浦漏沉沉臨邛少女誰
新寡閒殺相如綠綺琴

清吹飄飄落遠洲紅燈點點簇星毬黃花雨裏柴
桑令屈膝低眉拜督郵

驅龍禁雨欲投巫鞭叱風霆意氣麤 天子若知
荒政苦江東倘許賜田租

沈君典娶吳姬戲贈

繡被新裁是合歡鴛鴦枕上雨聲寒非關沈約生

來瘦腰帶都從昨夜寬

飄飄環珮下天風十二巫山捲幔中不是綠琴挑
窈窕可知紅拂盼英雄

吳大帝祠

草荒難覓赤烏碑破屋三間大帝祠猶勝淮王禾
黍墓牛羊食盡野棠枝

慈感寺戲題

不種蓮花覆碧潭空收貝葉鎖金函縣官餞客來
下馬衲子避人惟養蠶

西湖遇警

水窮山寂夢無聊
兩葉蘭舟泊斷橋
慚負綠林無可贈
橐裘和雨共蕭蕭

畫菜

潢池未已又滂沱
謀國紛紛肉食多
黃燖春風都不管
飢民顏色奈君何

題紅線

龍文匕首髻烏蠻
千里馳驅頃刻間
金合携將紅袖冷
滿身風露魏城邊
功成別土兩情傷
爲霧爲雲去渺茫
多少當筵能賦客
至今惟說冷朝陽

惠山月下送別屠長卿

古殿沉沉鎖綠煙
孤燈黯黯寺門前
如何一片空山月
纔照離人便不圓

葉葉輕帆葉葉霜
哀絲怨竹擁胡牀
不知千古攀轅處
可有詞人滿路傍

臨行渡海問麻姑
親授鰲囊五嶽圖
不是神仙爲縣令
爭教雙鳥化成鳧

城外山光削翠屏
芙蓉千丈月中青
請看天上官宿却
竝江南處士星

食竹筍

燦如紅葉光還瑩圓似青錢質更輕紫葍綠葉俱
不敵江東只合比尊羹

明州漁郎竹枝歌

青帆白舫蔽江來疊鼓頻搥數百迴
艘中盡下歲
筵鎖不祭龍王不敢開
官奴城西日半曛魚網高懸似暮雲
漁郎醉倚當
墟婦腥風吹上石榴裙

鷹

歛翮枯林乍脫講寥天側日衆含愁
聖朝解網
恩如海知向春風欲化鳩

自題小像

烏藤小笠紫煙衣消盡容華鬢髮稀
繡佛前頭親
受記懺除四十九年非

題半偈菴圖寄邢子愿

圖將半偈寄君看幡影蕭蕭佛火寒
何日空壇松
樹下道人相對惠文冠

水樂洞

疑是仙家有路通冷然絲竹響天風
依稀一部
商樂盡在潺湲碧澗中

夜宿魏塘鎮懷前高士吳仲圭

煙中流水月中霜
半夜扁舟宿魏塘
欲問道人煙骨處
梅花零落野墳荒

臥病朱在明齋中

秋風一疾滯江干
田雀江魚不舉餐
池上芙蓉籬下菊
折來聊得倚床看

爲孔炎宗侯題枇杷冊子

五月枇杷沁齒寒
梁園空展畫圖看
王孫有口何曾食
錯認黃金鑄彈丸

夏日偶成

睡起呼童催縛帚
桐花紛紛落窻牖
脫巾下階自

掃除白雪常盈三五斗

百花洲

斷岡流水古城闌
種菜家家自結隣
耕得玉釵昏似上
姓名猶刻採花人

周叔宗自白嶽歸見訪賦贈

獨上天壇掃落花
神君自註紫鸞車
歸來不問加餐飯
曾吸仙厨五色霞

竭來日日病支床
小院松風禮藥王
欲寫蓮花三百軸
從君玉杵乞玄霜

宣妙寺義僧掛搭處

破寺蕭條木葉斑
薜蘿空鎖屋三間
荒村乞食人
煙少莫惟孤僧又出山

水西寺風光樓

唐帝龍潛向此游
題詩重記水西樓
鑪煙寂寂秋
風冷鼠迹蛛絲上
冕旒

答徐姬鶯鴻鶯鴻長齋事佛

生來少小住秦淮
鈿作筵篔玉作釵
居士漫勞談
半偈須知天女本長齋
松牕閒誦藥珠經
翠袖佳人倚瑟聽
要識禪心無
所染暮空飛盡遠山青

悟得真如色本空
紅顏何必怨東風
維摩病裏閒
相對一朶芙蓉在鏡中

少年游俠五陵原名落
青樓老尚存今日衲衣持
鉢去不歌桃葉與桃根

清明日承天寺浴

昨日祓除今日浴
僧厨一縷榆煙綠
五體能令髮
垢除六根不受微塵觸

送觀師歸崇福寺

孤雲一錫乍歸來
舊日閒房半綠苔
試問尋師何
所授蓮花五色舌
端開

七寶夜泊戲調顧元明

野泊蕭然古岼邊
霜寒夜冷不成眠
無端忽下青衫淚
知有琵琶在別船

重陽前一日登高

黃花不共對持螯
白社相隨把濁醪
只恐來朝風而至
重陽前日已登高

登馬鞍山絕頂

平野蒼蒼海四垂
孤峰下瞰塚累累
祇今指點山城路
曾是寒潮拍岼時

山家見菊

秋風籬落到山家
路曲溪迴日漸斜
庭樹着霜無一葉
尚餘黃菊兩三花

送項仲融遊金陵

酒肆臨街柳半垂
藏名未遣外人知
題詩戲調嘗墟婦
從此公卿說項斯

貝葉靈文白馬函
招提四百鳳城南
山中若見彌天釋
面壁逢人且莫談

長版橋頭聽曲聲
徐孺雖老尚多情
門前車馬無人問
自按梁州促柱箏

石頭城下看春潮
天塹長江萬里遙
漁人網

江鎖猶是當年鐵未消

瓦官新閣掛晴霓脩竹青青萬箇齊酒禁太嚴香積冷未容陶令醉如泥

鐘山弓劍似橋山一去龍髯不可攀高帝在時親放鹿金牌歷歷頂中間

西夏凱歌

宋家元昊據西秦虜今成一叛臣車轍纔臨磴斧碎軍中韓范是何人

遼陽銳卒射鵬羣馬似游龍陣似雲破賊元從飛將種隴西重見李將軍

手持黃鉞立轅門日視孤城氣欲吞京觀築成資上策採芝梅福有雲孫

慶王茅社奠西藩飛箭如何人殿門霧鼓已看平鼠輩錫圭元自屬龍孫

聖人親御鳳凰樓太白旗懸叛將頭十道使臣持露布春風一日滿神州

胡沙如雪月如冰白骨稜稜幾十層血汚鬪囊將化碧不知誰作黨中丞

捷書朝報夏酋平十萬狂倭夕膽驚聞說九重方赫怒東邊莫築受降城

詔賜田租墨未乾
誅夷頓失主恩寬
一朝罷却興費四海瘡痍動地歡

重過吳幼元園亭戲題

室名寂照奉如來
一朵青蓮火裏開
慧性卽看如朗月
塵心先遣作寒灰

藤花松葉半遮門
庾信居然賦小園
却笑主人新抱女
輸他林竹幾生孫

登玉華山吳氏祠堂

寒煙漠漠晚山蒼
紅樹新添一夜霜
遠鶴不歸華表在
空餘松栢古祠堂

十月十六日鄣南虹見

斷虹遙掛暮山前
雨氣沉沉日影穿
不爲王筠能辨覘
如何十月尚蹉跎

郭張虛生女小而甚慧
請名倩玉更成一絕
娟娟稚齒郭家姑
咏得因風柳絮無
纔擘紅箋題倩玉
金籠鸚鵡隔牕呼

雪中行園

幽禽古木共春寒
南有堂前倚杖看
仙令馬蹄門外過
也知非是訪袁安

魚梁鶴徑雪層層
影入清波景倍增
上嶽橋西

更好東風吹散半池冰

寶幢山下漲痕添脩竹坪中似撒鹽獨對鴟夷雙
耳熱不知寒氣隔疎簾

白毫閣畔一株梅冉冉寒香帶雪開不是維摩居士室誰教天女散花來

試着馬姬所贈白練衫

白練輕衫軟更溫美人縫就寄文園淋漓雙袖君
知否半是啼痕半酒痕

七夕感懷

乞巧樓空白露多天孫不復渡銀河流鶯滿院無

人撲閒盡青團扇子羅

題呂仙像

紅塵地上不曾行兩葉芒鞋掛院輕爲問岳陽城外柳幾時重遇呂先生

題馬姬畫贈谷虛上人

寫竹描蘭寄阮郎粉痕微膩墨痕香依稀天女花
狼籍好逐東風上雁堂

織手圖來歲月深篋中常受蝨蟲侵今朝贈與維
摩詰證得空花不染心

賴元復訪江長洲因而見過

武陵才子客金閨游女如花惱客腸未必大隄能
勝此留君且醉酒壚傍
孤琴一曲奏春風少婦誰家解佩逢菘菀人人推
獨重相如何必藉臨叩

送朱子命還閩

布衣游俠近何如萬里風塵兩鬢疎莫道薛公能
好客蕭條幸舍久無魚
桐花點點雨霏霏養鴨池邊水滿磯縱使江南無
杜宇勸君應是不如歸

秋齋口占

風吹枯林葉如雨松下焚香讀秋水停梭隣婦罷
夜織月寒露冷啼絡緯

送屠長卿歸明州

清猿綠水鏡湖濱賀監祠前片月新酒換金魚應
不在此行誰醉謫仙人

雷峰雪竇萬山秋傲吏煙霞杖底浮一片輕帆千
里月送君扶病彊登樓

長洲茂苑好秋光夾岍芙蓉映綠楊仙令風流
好客留君那不過重陽

桃花渡口晚潮青海錯船來浦市腥送客嘗

一石勿言時事但沉冥

山中葬亡姬

松根蔓草葬羅裙冉冉芳魂隔暮雲
明歲東風吹綠草化爲蝴蝶遶孤墳

舟凍虞山趙少宰送酒

三寸堅冰鑿不開山陰未許放舟回
城中處處朱門閉惟有先生送酒來

答錢象先金陵見懷

花月長干夜漏遲春衣何處酒淋漓
折花贈妓得賓對月只家阻畫眉

新詩一首當纏頭徧醉金陵十二樓
贏得佳人稱薄倖還如杜牧在揚州

長橋紅板映垂楊花下笙篴隔粉墻
歌舞只今誰第一風流爲問老徐娘

臺城煙暖草萋萋玄武湖高水漫堤
玉輦金輿何處去舊宮新柳蚤鶯啼

西湖竹枝歌

蘇公堤上春草生六橋雨過水初平
漁舟點點中 去微風吹出櫂歌聲

三天竺寺與天通片片晴霞映佛宮
晚來一色

金界游人身在佛光中

月照孤山寺裏梅依稀
還似雪中開夜深華表
人語和靖先生跨鶴來

西泠橋外是儂家
千樹天桃亂着花
閉門白日飛紅雨
開門綠水漲紅霞

上塘柳枝拂新長
下塘柳花吹店香
柳枝藏鶯花撲燕
愁殺春風馬上郎

題畫

渡壑穿雲不見僧
洞門流水塔層層
欲邀禽夏游名岳
先覓天台寺裏藤

水窮雲起無人處
獨自臨流來看山
松風吹衣酒欲醒
但聞鳴澗聲游海

古木爲鄰山對面
深林茅屋無人見
一溪流水平溪渾
書罷黃庭朝洗硯

青山合杏暮煙浮
六月涼生似蚤秋
可是吳王銷夏處
一灣流水繫扁舟

黃浦夜泊

黃浦灘頭水拍天
寒城如霧柳如煙
月沉未沉魚觸網
潮來欲來人放船

與順公泛湖因懷石公

當年曾遇石充風棋局袞袞碧浪中今日扁舟
雪下已公相對憶旻公

白雀寺書碑張稹通載酒至

蛟龍片石鬱嵯峨書罷淋漓費墨多謝爾舟中來
送酒爲師林下代籠鵝

歸雲菴

白日荒荒竹院低閒雲惟伴一僧栖試尋太白山
人句殘雪頽垣沒舊題

拜孫太初墓

一坏青塚白雲岑破屋殘碑雪片深欲採梅花嘗

蘋藻九原何處覓知音

臘八日阻風南嶠戲似順師

臘月八日南嶠曲雪花滿船浪如屋如來成道道
安在師不肯言惟啜粥

池上薇花

水上薇花紫半池游魚唼影月來遲青團小扇涼
風人何必絲綸閣下時

舟中對菊

水碧霜清木葉丹舟中把酒不成歡陶家豈是
三徑歲歲黃花客裏看

送平南上人還峨眉

飄飄孤笠向西遊，萬里巴江折芾浮。他日白毫光

裏照，一微塵界是楊州。

茉莉曲

贛州船子兩頭尖，茉莉初來價便添。公子豪華錢
不惜，買花只揀樹齊簷。

章江茉莉貢江蘭，夾竹桃花不耐寒。三種盡非吳
地產，一年一度買來看。

烏銀白鍤紫磨金，斲出纖纖茉莉簪。斜插女郎髻，
鬢髻晚粧朝月拜，際深。

滿筐如雪叫攔街，喚起青樓十二釵。繡篋衰錢下
樓買，隔簾斜露鳳頭鞵。

賣香恰父笑吳兒，一本千錢亦太癡。儂在廣州城
裏住，家家茉莉盡編籬。

花船估客盡烏蠻，夜宿娼樓曉未還。小妓簸錢贏
數本，取來花在虎丘山。

解頤

朝來推轂暮操戈，白日紛紛颯颯多。笑向南枝開
春信，梅花無語奈君何。

二酉從誇腹笥書，椰掄枚叔詆相如。夢來筆上

猶在不學先生老蝨魚

髣是朝紳鬣是僧狐狸說法鬼傳燈啼煙嘯雨渾

無賴妖亂依稀似廣陵

何處朱門不曳裾誰家幸舍免歌魚當筵使氣縱

橫甚神有公卿一紙書

唐人巾幘晉衣裳盡學梨園子弟裝置翼於菟飛

食肉坑灰那不憶秦皇

著書元不爲窮愁數盡公卿與貴游恐損道心拋

不看自披秋水對莊周

使氣論交態不同乞墻登隴技能工寒蟬抱葉甘

心槁笑殺雕蟲是壤蟲

學佛無成更學仙乍談黃白又談禪淮南廁鬼將

求代前度劉郎好上天

欲將問鼎族書生下石含沙太不情不是會連承

古義誰能一箭下聊城

持鉢街頭立白雲乞錢燈下媚紅裙何如藐世東

方朔割肉歸家遺細君

金書赤榜太輝煌表宅於今總濫觴免俗未幾

爾爾肅皇朝內較書郎

野葛心胸茶蓼身鳴鴉喉舌瓊蛇唇不言

何事開向東風也笑人

催粧詩爲周公美賦

鴉黃鵲黑內家粧未許人扶出洞房遮莫小喬也
自怯春風吹送嫁周郎

小婦盈盈似莫愁粧成却立便含羞合歡樹下
先待親折花枝與上頭

千條銀燭兩行斜月裏嫦娥鏡裏花剛縮青絲未
施粉被郎催上七香車

蹋燈詞

一入新年日日晴韶光淑氣似清明家家結綺瑤

簾額始信吳王錦繡城

閨門十里錦雲斜燈燭薰天百萬家雲母屏前交
頸烏水精簾下合歡花

木蘭堂上月娟娟百鳥千花寶炬燃誰似風流白
刺史燒燈只爲卜豐年

丞相歸來祝 至尊張燈待月坐黃昏君心願得
如燈月不照朱門照席門

髻挽烏雲試曉粧衫裁白雪學霓裳私邀女伴
前立不避燈光避月光

龍舟水殿已成灰歌舞君王去不回繡帶流

夾路月中疑是錦帆來

誰借銀潢織女機千絲萬縷出幽閨內家頌下
山錦火樹龍銜上御衣

藥宮蓮宇夜深遊纔訪緇流又羽流別是一般燈
火樣渡河香象出關牛

野燒渾如不夜城農歌盡是竹枝聲雖然不及沉
香火牧笛嘶堪當玉笙

燈光月影上金釵粉黛如雲滿六街踏盡香塵歸
繡閣侍兒重換鳳頭鞋

十三十四月如煙十五元宵雨滿天月色不臨燈

火地雨聲偏隔綺羅筵

東舍傷心西舍歡南鄰炙手北隣寒侯家燈火貧
家月一樣元宵兩樣看

病中口占

消渴年來日日增病如孤鶴瘦如僧秋風不待金
莖露四月前頭已賣冰

趙凡夫悉曇閣看月

曲磴幽林窳篠通亂山千點碧窻中不須更把
燈照水滿寒潭月滿空

送朱憲昌移家維揚

僦廡聊棲市上塵登樓休歎客中身荔枝紅似
桃色不及揚州少婦唇

邗溝流水月如燵十里青樓夜可憐欲買竹西三
畝宅新詩千首當腰纏

閩山一隔路迢遙暫住吹笙第幾橋黯澹灘聲常
入夢不知家近廣陵潮

重遊巖山廟

不到仙家四十春舊時宮殿化爲塵山厨一饒黃
梁飯已悟盧生夢裏身

祝融焚盡碧桃花東帝何年返翠華欲辨劫灰人
不識斷碑空記管霄霞

舟過吳江顧世卿出邀不赴

夢斷南枝不到家吳江水合似天涯美人欲寄相
思意爲寫溪橋雪裏花

鄧將軍平黎歌

瓊海遼曾比夜郎盡憑天險作金湯一朝破竹空
巢穴驅土於今入職方

深林密箐萬山中封豕妖狐仗火攻徼外蠻夷皆
膽落獻琛求與漢家通

石辣噴岬虎豹關礮門毒霧晝沉山將軍部曲

天下觀馘夷王爨鼓還

藤牌竹笠嶺西軍直搗長驅鳥獸羣
赦却脅從俱罔治燒畝鑿井事耕耘

滌清山海盪陰霾黎母山中絕虎豹
寄語漢廷諸待詔從今莫請罷珠崖

保安寺僧房看牡丹

風雨孤舟泊淺灘寺門流水暮雲寒
衰年不減狂奴態着屐尋僧看牡丹

病中同孫建侯賞芍藥

廣陵芍藥勝金陵大白之名高價倍增
誰道瓊花天

上去一枝留得雪千層

紅藥紅於瑪瑙盤含煙帶雨倚闌干
當年供奉清平調錯爲君王賦牡丹

名花並有白蓮香一朵亭亭立晚涼
此地元非廬岳社不妨呼酒共君嘗

一尺嬌紅艷更稀名爲雉尾是還非
誰家少婦閒鍼錢繡作華蟲入袞衣

與印公藤下對坐

寒藤抱樹似龍蛇黃鳥聲中掃落花
未許隣翁索杖山僧留取掛袈裟

山中桂花盛開

廣寒宮裏分仙種，密葉繁香滿四隣。
莫賦小山招隱士，桃源澗壑不通秦。

構李舟中遇雪

北風吹雪遍山前，溪上人家盡皎然。
濁酒清琴書一卷，無人知是子猷船。

黏天湖水澹無痕，斷雁驚寒下遠村。
與客烹魚沽綠酒，勝他騎馬傍朱門。

凍雲寒樹曉模糊，水上樓臺似畫圖。
紅袖誰家乘小艇，捲簾看雪過南湖。

溪上觀捕魚

漁舟紛紛疾來往，曉集澄潭齊下網。
黃髮老翁披綠蓑，紅顏少婦敲烏榜。

歲舍訪閔都事

齋時來訪鹿門龐，禁酒難留醉玉缸。
落日渡頭人又別，弁山晴雪照船窓。

送凌伯升北遊

一辭宿衛罷傳呼，伏櫪歌殘擊唾壺。
此去鳳凰樓下過，都人爭識舊金吾。

塞下長城塞上山，胡兒部落漢兒關。
舊交閑府管

中見應歎風塵換客顏

綵筆先千萬司馬金裘更覓李將軍誰知好客田

公子絕似無官范史雲

獵獵邊風六月寒主情慷慨客情歡琵琶教得烏

孫曲十八胡姬馬上彈

蘇堤柳

栽時曾見葉初生今日人來樹下行恰似江潭重
對此白頭司馬重含情

靈隱方丈范文正公榻

何年此地范公游人世雖更榻尚留蘿月松風高

枕臥山僧不識廟廊憂

昭慶寺聞鐘

門前湖水浸羣峰枕上家山隔萬重敲斷五更粥
蝶夢滿天霜月一聲鐘

東塔寺青白泉

雙井入門臨路側浮圖倒映琉璃色若將天眼照
山河底事看人有青白

千江泥造藏經上峨眉

秦淮女子桃花頰削下雲鬟心似月募金欲造

千函踏徧峨眉山頂雪

贈朱鍊師

月高霜落水粼粼拾得玄珠出綠津白日自能生
羽翰三彭何必守庚辛

青龍白虎擁爐看太乙泥封九轉丹煉就一朝金
骨換落花親掃上天壇

弔馬姬

歌罷行雲十二樓秣陵從此不宜秋芳魂只在秦
淮上化作芙蓉也竝頭

石榴裙子是新裁疊在空箱恐作灰帶上琵琶絃
不繫長干寺裏施僧來

不待心挑與目招半生孤負可憐宵抵堪罰作銀

河鵲歲歲年年只駕橋

黃金不惜教嬋娟歌舞從他樂少年月榭風臺生

蔓草銅箏瑤瑟化寒燼

明珠綴在鳳頭鞵白壁雕成燕子釵換得秣陵三
十畝香名不與骨俱埋

舞裙歌扇本前囚繡佛長齋是後身不逐西池玉
阿母定隨南嶽魏夫人

水流花謝斷人腸一葬金釵土便香到底因緣
未了他生還許嫁王昌

平生猶未識蘇臺天際孤帆爲我來何意倏然乘
霧去懸廊依舊長青苔

佛燈禪榻與軍持七載空房只自知鸚鵡前頭低
語問不曾私蓄賣珠兒

蘭湯浴罷淨香薰冉冉芳魂化練雲遺蜕一坏松
下土只須成塔不須墳

紅箋新句碎輕霞小字蠅頭密又斜開篋不禁沾
臆淚非關老眼眩生花

描蘭寫竹寄卿卿遺果都疑淚染成不遇西川高
節度平康浪得較書名

燈公竹下

臨流遶屋盡琅玕不問支郎竟日看翠鈿玉釵緣
已斷石邊惟借一蒲團

石橋南畔竹交加
曉停舟到日斜童子但教施
枕簟山僧何用着袈裟

當年曾記筍過林
便作檀欒數畝陰
已遣微風搖
翠羽還留斜日布黃金

送蔣子才還閩

已將名姓動公卿
不負風塵萬里行
裁就寒衣方
欲寄入門停却剪刀聲

蒨緜零落客京華歲盡匆匆始到家却訝故園春色蚤佳人鬢裏碧桃花

贈王德操娶婦

維摩榻上盡寒雲瘦骨生來野鶴羣昨夜散花人入室莫疑天女是文君
布襦還掩鳳頭鞵箭總新拋燕子釵爛煮綠葵烹紫荇也隨夫婿共長齋
神膠一點出鴟鷂續却新絃與舊齊不是孟光甘隱操何人堪作伯鸞妻

投轄館雜咏

謫罷陰符酒力柔櫻桃樹下聽笙篔侍兒扶上銀鞍去輪却江南蘭葉舟
葛巾漉酒瓦爲缸笑殺陶公臥北窻一石鵝黃澆醜偏床頭試聽雨淙淙
痛飲高陽體數寬邊城北斗夜闌干不因池上魚醉誰道鷓鴣肉未乾
大白浮來月滿樽高臺西望見崑崙夜深欲借珠姑鶴半醉乘風過海門
送虜曾經占戰場少年儒將杜當陽蚤臥鷓鴣印
心戀但願封侯在醉鄉

苦雨吟

十旬九旬雨不休東家西家水亂流無人燒石補
天漏閉門空抱杞人憂

十五年前遇水荒賑饑丹詔下明堂今年水地當
年大官家督促去年糧

老農家住太湖邊雨深茅屋斷炊煙自牽黃犢城
中賣催租吏到索官錢

織錦坊中賈客稀一時罷杼復停機桑柔葉爛春
蠶死那得山龍袖袞衣

錦帆涇上小園居大雨兩月水滿渠門前聚却白

鷗鳥道上浮來赤鯉魚

木皮艇子小如梭行到關門不放過桃李楊梅俱
爛盡索錢無奈稅官何

大麥生蛾小麥紅家家噉麩作朝饔誰知都作河
魚疾無處可乘山鞠窮

盡把某書贖子錢買將半頃種瓜田青門五色都
漂去種瓜人上捕魚船

屋上鳩啼窳產蛙洪波一夜失桑麻侍兒不信
年苦猶買街頭茉莉花

上原下隰盡成川不可種豆與栽綿使爾

馬鬣也無穀種插秋田

重陽日風雨

空齋寂寞罷題糕
安得黃花伴濁醪
知是重陽風雨至
而到山城昨日預登高

霜降

處處砧聲搗夕陽
西風半夜灑衣裳
籬邊草木皆黃落
惟有芙蓉獨拒霜

贈菅居士

白衣烏帽碧雲鞵
不踏紅塵走六街
閉戶蕭然無一事
焚香禮佛守長齋

芭蕉世尊像

石火風燈與電光
漫將身世問空王
浮生幻景須臾事
恰似芭蕉不耐霜

贈蔣子健山人

吳市棲遲白髮新
不知門外有紅塵
年饑且免魚生釜
寫得青山賣與人

夜過雲亭懷郝仲興令君

西風落水滿寒汀
漁火依稀似曉星
前日鳴琴人不見
斷橋殘月過雲亭

夢君不改舊時容
驚覺匆匆曉寺鐘
數點遠山來

霧裏教人錯認楚江峰

初篁

初篁解籜出墻看
嫋嫋含風似釣竿
此地更無人
翦伐不勞書報日平安

南宗僧送法藏上峨眉

六月巴江水渺漫
崎嶇劔閣路千盤
龍函過處人
天護此去無愁蜀道難
貝葉千函卷帙多
蠶叢萬里陟嵯峨
馳驅直上峨眉
眉雪還似當年白馬馱

笑人障子

蘇綠仙人翠袖寒
金瓶浸水折來看
楊家獨擅君王寵
妬殺江妃一點酸
芙蓉泣蒂露微紅
影入秋江玉面羞
艷質相看誰
得似二喬當日怨春風

爲喻正之太守題唐伯虎煮茶圖

太守風流嗜酪酪
奴行春常帶煮茶圖
圖中傲吏依稀似
紗帽籠頭對竹爐
靈源洞口採旗槍
五馬來乘穀雨嘗
從此端明茶譜後
又添新品綠雲香

伏龍十里盡香風
正近吾家別墅東
他日于旄如

見訪休將水厄笑王濛

鬪鷄圖

金距朱冠逐墜齊紅羅纏項苑城西開元天子承
平日別殿花深看鬪鷄

秋葵

小院秋高未降霜名花初試道家粧園翁莫道秋
容淡一點丹心獨向陽

答洞庭山僧

橘柚千家當稻梁載將入市滿城香年年專賣山
僧約銷夏灣頭十月霜

南有堂詩卷之卅終

後序

國朝以逢掖擅詞賦走四方如
歸市者無如百谷王先生先生
向已有集行世此其未刻之稿
也夫自三百篇以降詩之變不
勝窮所可爲與觀羣怨者亦不

勝指四方才士何獨趨王先生
也蓋音韻之微律呂之節性情
之正三者合而濡之紙上能使
心手相應鮮榮諧暢無纖毫拂
滯焉而且鈎絲冷汰不涉流蕩
羣靈協志千篇如一若斯者雖

古人難之耳惟獨王先生也者
試從其回翔綜錯之中約畧其
指歸以研尋其聲采亦概可知
矣葉玉如楮鳶木能飛天之所
予有物來相豈但追蹤往烈哉
正狂簡而已宜乎天下之趨王

先生也然先生之負重名不獨
詩也先生常受知于故相袁公
文榮及文榮卒

贈卹之典不行先生馳至都下引
大義請讓當事力爭得之故人
子陸者陷大辟誣服矣先生辭

家廟以出欲與俱死事卒得白
二者有古烈士風雖董季營李
固之喪吳範救魏滕之死不是
過矣衍少賤不及從先生遊僅
識其仲子不莠不莠手是集語
衍曰曹公許爲序矣子寧無言

衍謹述其所以爲詩與其行誼
之大者大畧如此顧先生生前
四方趨之乃今日行其遺稿者
獨曹公是則吾閩之多義也乎
崇禎丙子嘉平月朔晉安後學
陳衍頓首謹序



克想先人諱泮字道源與

日敘王先生交厚數十年後各爲古人矣而先

生詩文著作甚畧難以悉見去歲適其

郎君弗莠兄至自三山喜得訪其實錄惟

以現存者十之二三見示想因購入繕寫

不揣疏倡

諸老先生劖劘之亦成一勝事也所有贈刻資

斧斤刻于工食咸列于左

計開

孫鳳老 諱昌喬 助銀拾兩

曹雁老 諱學佺 助銀拾兩

茅止老 諱元儀 助銀拾兩

陳磐生 諱行 助銀拾兩

詩共肆百伍拾 葉計字 萬

梨板

繕寫紙筆工資

已上共用銀 拾兩 錢正

崇禎丙子歲中秋月陳克懋識